

«ՎԱԳԱ-ՖԱՐՄ» ՍՊԸ

ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐ ԵՎ
ԱՆԿԱԽ ԱՌԻԴԻՏՈՐԱԿԱՆ ԵԶՐԱԿԱՑՈՒԹՅՈՒՆ
2021թ. ԴԵԿՏԵՄԲԵՐԻ 31-ԻՆ ԱՎԱՐՏՎԱԾ ՏԱՐՎԱ ՀԱՄԱՐ



ԱՆԿԱՆ ԱՌԻԴԻՏՈՐԱԿԱՆ ԵԶՐԱԿԱՑՈՒԹՅՈՒՆ

«ՎԱԳԱ-ՖԱՐՄ» ՍՊ ԸՆԿԵՐՈՒԹՅԱՆ ՄԱՍՆԱԿԻՑՆԵՐԻՆ

ԿԱՐԾԻՔ

Մեր կողմից իրականացվել է «ՎԱԳԱ-ՖԱՐՄ» ՍՊԸ-ի (այսուհետ՝ Ընկերություն) ֆինանսական հաշվետվությունների աուդիտը, ընդ որում այդ հաշվետվությունները ներառում են 2021թ. դեկտեմբերի 31-ի դրությամբ ֆինանսական վիճակի մասին հաշվետվությունը, նույն ամսաթվին ավարտված տարվա համապարփակ ֆինանսական արդյունքների, սեփական կապիտալում փոփոխությունների և դրամական միջոցների հոսքերի մասին հաշվետվությունները, ինչպես նաև ֆինանսական հաշվետվություններին կից ծանոթագրությունները, որոնք ներառում են հաշվապահական հաշվառման քաղաքականությունը:

Մեր կարծիքով, կից ֆինանսական հաշվետվությունները տալիս են Ընկերության՝ 2021թ. դեկտեմբերի 31-ի դրությամբ ֆինանսական վիճակի և նույն ամսաթվին ավարտված տարվա ֆինանսական արդյունքների ու դրամական հոսքերի ճշմարիտ և իրական պատկերը՝ համաձայն Ֆինանսական հաշվետվությունների միջազգային ստանդարտների (ՖՀՄՍ-ներ):

ԿԱՐԾԻՔԻ ՀԻՄՔԵՐ

Մենք աուդիտն իրականացրել ենք աուդիտի միջազգային ստանդարտներին (ԱՄՍ) համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է մեր եզրակացության՝ «Աուդիտորի պատասխանատվությունը ֆինանսական հաշվետվությունների աուդիտի համար» բաժնում: Անկախ ենք Ընկերությունից՝ համաձայն Հաշվապահների միջազգային դաշնության պրոֆեսիոնալ հաշվապահների վարքագրի (ՀՄԴ-ի Վարքագիրը) և Հայաստանի Հանրապետությունում կիրառելի՝ ֆինանսական հաշվետվությունների աուդիտի նկատմամբ վարքագծի պահանջների, և կատարել ենք վարքագծի նկատմամբ մեր մյուս պարտականությունները՝այդ պահանջների համաձայն: Համոզված ենք, որ ձեռք ենք բերել բավականաչափ ու համապատասխան աուդիտորական ապացույցներ՝մեր կարծիքն արտահայտելու համար:

ՂԵԿԱՎԱՐՈՒԹՅԱՆ ԵՎ ԿԱՌԱՎԱՐՄԱՆ ՕՐԱԿԵՐՈՒՄ ՆԵՐԳՐԱՎԱԿԱԾ ԱՆՁԱՆՑ ՊԱՏԱՍԽԱՆԱՏՎՈՒԹՅՈՒՆԸ ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐԻ ՀԱՄԱՐ

Ընկերության ղեկավարությունը պատասխանատու է ՖՀՄՍ-ներին համապատասխան ֆինանսական հաշվետվությունների կազմման և ճշմարիտ ներկայացման համար: Այդ նպատակով ղեկավարությունը սահմանում է անհրաժեշտ վերահսկողության համակարգ, որը թույլ է տալիս պատրաստել ֆինանսական հաշվետվություններ, որոնք զերծ են խարդախության կամ սխալի արդյունքում էական խեղաթյուրումից:

Ֆինանսական հաշվետվությունները պատրաստելիս՝ ղեկավարությունը պատասխանատու է Ընկերության անընդհատ գործելու հնարավորությունը գնահատելու, անընդհատ գործելուն առնչվող հարցերը բացահայտելու (եթե կիրառելի է), ինչպես նաև գործունեության անընդհատության ենթադրության վրա հիմնված հաշվառում վարելու համար, քանի դեռ ղեկավարությունը չի

Նախատեսում լուծարել Ընկերությունը կամ դադարեցնել դրա գործունեությունը կամ չունի իրատեսական այլընտրանք, բացի նշվածները:

Կառավարման օղակներում ներգրավված անձիք պատասխանատու են Ընկերության ֆինանսական հաշվետվությունների կազմման գործընթացը վերահսկելու համար:

ԱՌՐԻՏՏՈՐԻ ՊԱՏԱՍԽԱՆԱՏՎՈՒԹՅՈՒՆԸ ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐԻ ԱՌՐԻՏԻ ՀԱՄԱՐ

Մեր նպատակն է ձեռք բերել ողջամիտ հավաստիացում՝ խարդախությունների կամ սխալների հետևանքով ֆինանսական հաշվետվությունների էական խեղաթյուրումներից զերծ լինելու վերաբերյալ, ինչպես նաև ներկայացնել աուդիտորի եզրակացություն, որը կներառի մեր կարծիքը: Ողջամիտ հավաստիացումը բարձր աստիճանի հավաստիացում է, սակայն այն երաշխիք չի հանդիսանում, որ ԱՄՍ-ների համապատասխան իրականացված աուդիտը միշտ կհայտնաբերի էական խեղաթյուրումներ, երբ այդպիսիք կան: Խեղաթյուրումները կարող են առաջանալ խարդախության կամ սխալի հետևանքով և համարվում են էական, եթե ակնկալվում է, որ դրանք առանձին-առանձին կամ միասին վերցված կարող են ազդել այս ֆինանսական հաշվետվությունների օգտագործողների՝ դրանց հիման վրա կայացրած տնտեսական որոշումների վրա:

ԱՄՍ-ների համապատասխան իրականացվող աուդիտի շրջանակներում մենք կիրառում ենք մասնագիտական դատողություն և պահպանում ենք մասնագիտական կասկածամտություն ամբողջ աուդիտի ընթացքում: Բացի այդ.

- Բացահայտում և գնահատում ենք ֆինանսական հաշվետվություններում խարդախության կամ սխալի հետևանքով էական խեղաթյուրման ռիսկերը, նախագծում և իրականացնում ենք այդ ռիսկերին ուղղված աուդիտորական ընթացակարգեր, և ձեռք ենք բերում բավականաչափ ու համապատասխան աուդիտորական ապացույցներ՝ մեր կարծիքն արտահայտելու համար: Խարդախության արդյունք հանդիսացող էական խեղաթյուրման չբացահայտման ռիսկն ավելի մեծ է, քան սխալի հետևանքով առաջացած խեղաթյուրման չբացահայտման ռիսկը, քանի որ խարդախությունը կարող է ներառել հանցավոր համաձայնություն, փաստաթղթերի կեղծում, միտումնավոր բացթողումներ, կեղծ հայտարարությունների տրամադրում կամ ներքին վերահսկողության համակարգի չարաշահում:
- Պատկերացում ենք կազմում աուդիտին առնչվող ներքին վերահսկողության վերաբերյալ, որպեսզի մշակենք համապատասխան աուդիտորական ընթացակարգեր, բայց ոչ՝ Ընկերության ներքին վերահսկողության արդյունավետության վերաբերյալ կարծիք արտահայտելու համար:
- Գնահատում ենք կիրառվող հաշվապահական հաշվառման քաղաքականության պատշաճությունը, ինչպես նաև ղեկավարության կատարված հաշվապահական գնահատումների և համապատասխան բացահայտումների ողջամտությունը:
- Եզրահանգումներ ենք կատարում ղեկավարության կողմից անընդհատության սկզբունքի կիրառման տեղին լինելու վերաբերյալ և ձեռք բերված աուդիտորական ապացույցների հիման վրա հետևություն ենք անում, թե արդյոք առկա՞ է իրադարձությունների կամ հանգամանքների հետ կապված էական անորոշություն, որը կարող է էական կասկած առաջացնել Ընկերության անընդհատ գործելու հնարավորության վերաբերյալ: Եթե մենք գալիս ենք եզրահանգման, որ

գոյություն ունի էական անորոշություն, պետք է մեր աուդիտորական եզրակացությունում ուշադրություն հրավիրենք ֆինանսական հաշվետվություններում համապատասխան բացահայտումներին, կամ, եթե նման բացահայտումները պատշաճ կերպով ներկայացված չեն, պետք է ձևափոխենք կարծիքը: Մեր եզրահանգումները հիմնված են մինչև մեր աուդիտորական եզրակացության ամսաթիվը ձեռք բերված աուդիտորական ապացույցների վրա: Այնուամենայնիվ, ապագա իրադարձությունները կամ հանգամանքները կարող են հանգեցնել նրան, որ Ընկերությունը կորցնի իր անընդհատ գործելու կարողությունը:

- Գնահատում ենք ընդհանուր առմամբ ֆինանսական հաշվետվությունների ներկայացումը, կառուցվածքը և բովանդակությունը, ներառյալ բացահայտումները և արդյո՞ք ֆինանսական հաշվետվությունները ներկայացնում են դրանց հիմքում ընկած գործարքներն ու իրադարձությունները այն ձևով, որն ապահովում է ճշմարիտ ներկայացումը:

Այլ հարցերի հետ մեկտեղ, մենք հաղորդակցում ենք կառավարման օղակներում ներգրավված անձանց հետ աուդիտի պլանավորված շրջանակների և ժամկետների, ինչպես նաև աուդիտի ընթացքում հայտնաբերված էական թերացումների վերաբերյալ, որոնք ներառում են աուդիտի ընթացքում մեր կողմից բացահայտված ներքին վերահսկողության կարևոր թերությունները:

Ք. Երևան- 21.06.2022թ.

ՊԻ ԿԱ ԷՖ ԱՈՒԴԻՏ ՍԵՐՎԻՍ ՍՊԸ

Տնօրեն՝

Որակավորված աուդիտոր՝

Որակավորված աուդիտոր՝



Գոռ Դավթյան

Սերյոժա Մեհրաբյան

ԲՈՎԱՆԴԱԿՈՒԹՅՈՒՆ ԷՋ

Ֆինանսային վիճակի մասին ՀԱՇՎԵՏՎՈՒԹՅՈՒՆ	2
ՀԱՄԱՊԱՐՓԱԿ Ֆինանսային արձեռնապահների մասին ՀԱՇՎԵՏՎՈՒԹՅՈՒՆ	3
ՍԵՓԱԿԱՆ ԿԱՊԻՏԱԼՈՒՄ ՓՈՓՈԽՈՒԹՅՈՒՆՆԵՐԻ ՄԱՍԻՆ ՀԱՇՎԵՏՎՈՒԹՅՈՒՆ	4
ԴՐԱՄԱԿԱՆ ՄԻՋՈՑՆԵՐԻ ՀՈՍՔԵՐԻ ՄԱՍԻՆ ՀԱՇՎԵՏՎՈՒԹՅՈՒՆ	5
Ֆինանսային ՀԱՇՎԵՏՎՈՒԹՅՈՒՆՆԵՐԻՆ ԿԻՑ ԾԱՆՈԹԱԳՐՈՒԹՅՈՒՆՆԵՐ	6

ՖԻՆԱՆՍԱԿԱՆ ՎԻՃԱԿԻ ՄԱՍԻՆ ՀԱՇՎԵՏՎՈՒԹՅՈՒՆ

Հազար դրամ	Ծնթյւն	31.12.2021թ.	31.12.2020թ.
Ոչ ընթացիկ ակտիվներ			
Հիմնական միջոցներ	14	146656	142874
Ոչ նյութական ակտիվներ			
Տրամադրված երկարաժամկետ փոխառություններ			
Այլ ոչ ընթացիկ ֆինանսական ակտիվներ			
Ընդամենը ոչ ընթացիկ ակտիվներ		146656	142874
Ընթացիկ ակտիվներ			
Պաշարներ	15	6394084	5015278
Առևտրային և այլ դեբիտորական պարտքեր	16	3169860	3267074
Տրված կանխավճարներ	16	604954	683891
Ընթացիկ ակտիվներ հարկերի գծով	17	39785	101948
Դրամական միջոցներ և դրանց համարժեքներ	18	1035272	420801
Այլ ընթացիկ ակտիվներ	16	132833	565
Ընդամենը ընթացիկ ակտիվներ		11376788	9489557
Ընդամենը ակտիվներ		11523444	9632431
Սեփական կապիտալ և այլ պարտավորություններ			
Սեփական կապիտալ			
Կանոնադրական (բաժնեհավաք)կապիտալ	19	50	50
Չբաշխված շահույթ	20	9108501	6881852
Պահուստային կապիտալ			
Սեփական կապիտալի այլ տարրեր			
Ընդամենը սեփական կապիտալ		9108551	6881902
Ոչ ընթացիկ պարտավորություններ			
Ակտիվներին վերաբերող շնորհներ			
Երկարաժամկետ փոխառություններ	21	1273021	1104529
Ընդամենը ոչ ընթացիկ պարտավորություններ		1273021	1104529
Ընթացիկ պարտավորություններ			
Կարճաժամկետ բալային վարկեր		158	8843
Առևտրային և այլ կրեդիտորական պարտքեր	22	762918	1271436
Ստացված ընթացիկ կանխավճարներ	22	111182	197638
Կարճաժամկետ կրեդիտորական պարտքեր բյուջեին	23	247661	167342
Կարճաժամկետ կրեդիտ. պարտքեր սոցապահովագ. գծով	23	1944	624
Կարճաժամկետ կրեդիտ.պարտքեր աշխատավարձի գծով	22	1865	117
Այլ ընթացիկ պարտավորություններ	22	16144	0
Ընդամենը ընթացիկ պարտավորություններ		1141872	1646000
Ընդամենը պարտավորություններ և սեփական կապիտալ		11523444	9632431

«ՎԱԳԱ-ՖԱՐՄ» ՍՊԸ

ՏՆՕՐԵՆ՝

ԳԼԽԱՎՈՐ ՀԱՇՎԱԴԱՆՔ

(Handwritten signatures)

Ա. ԳՐԻԳՈՐՅԱՆ

Ա. ՄԻԲԱԵՆՅԱՆ



ՀԱՄԱՊԱՐՓԱԿ ՖԻՆԱՆՍԱԿԱՆ ԱՐԴՅՈՒՆՔՆԵՐԻ ՄԱՍԻՆ ՀԱՇՎԵՏՎՈՒԹՅՈՒՆ

Հազար դրամ	Ծնթգ.	2021թ.	2020թ.
Հասույթ	5	22908996	20873782
Իրացման ինքնարժեք	6	(19515413)	(18765729)
Համախառն շահույթ		3393583	2111053
Այլ եկամուտ	7	402958	994465
Իրացման ծախսեր	8	(98819)	(113216)
Վարչական ծախսեր	9	(534282)	(523981)
Գործառնական այլ ծախսեր	10	(118425)	(252451)
Գործառնական գործունեության արդյունքը		3045015	2215870
Ֆինանսական եկամուտ	11	79031	582731
Ֆինանսական ծախս	11	(294300)	(634162)
Ընդամենը		(215269)	(51431)
Այլ ոչ գործառնական շահույթ	12	0	(29761)
Արտասովոր դեպքերից շահույթ(վնաս)	13	(94211)	(29712)
Շահույթը մինչև շահութահարկով հարկումը		2735535	2104966
Շահութահարկի գծով (ծախս)/եկամուտ		(510221)	(379031)
Զուտ շահույթ		2225314	1725935
Տարվա արդյունք			

«ՎԱԳԱ-ՖԱՐՄ» ՍՊԸ

ՏՆՕՐԵՆ՝

ԳԼԽԱՎՈՐ ՀԱՇՎԱՊԱՀ

Ա. ԳՐԻԳՈՐՅԱՆ

Ա. ՄԻՔԱԵԼՅԱՆ



	Կանոնադրական (բաժնեհավաք) կապիտալ	Չբաշխված շահույթ	Ընդամենը
Հազար դրամ			
Մնացորդը առ 01 հունվարի 2020թ.	50	5155917	5155967
Տարվա շահույթը (վնասը)	-	1725935	1725935
Վճարված շահաբաժին	-		
Ներքին շարժեր	-	-	-
Մնացորդը առ 31 դեկտեմբերի 2020թ.	50	6881852	6881902
Մնացորդը առ 01 հունվարի 2021թ.	50	6881852	6881902
Տարվա շահույթը (վնասը)		2225314	2225314
Այլ համապարփակ եկամուտ	-	1335	1335
Ներքին շարժեր	-		
Վճարված շահաբաժին	-	-	-
Մնացորդը առ 31 դեկտեմբերի 2021թ.	50	9108501	9108551

«ՎԱԳԱ-ՖԱՐՄ» ՍՊԸ

ՏՆՕՐԵՆ՝

ԳԼԽԱՎՈՐ ՀԱՇՎԱՊԱՀ

Ա. ԳՐԻԳՈՐՅԱՆ

ՄԻՔԱՆԵՅՍ



հազարդրամ	2021թ.	2020թ.
Դրամական միջոցների հոսքեր գործառնական գործունեությունից		
Գործառնական գործունեությունից դրամական միջոցների ներհոսքեր	26584930	22583262
Աշխատակիցներին վճարված դրամական միջոցներ	(289929)	(309975)
Մատակարարներին վճարված դրամական միջոցներ	(21400564)	(19117463)
Վճարումներ ծառայությունների դիմաց	(274854)	(268876)
Վճարումներ պետական բյուջե	(2079840)	(805927)
Այլ ստացված գումարներ	108783	306315
Գործառնական գործունեությունից դրամական միջոցների այլ արտահոսքեր		(726792)
Գործառնական գործունեությունից ստացված/(օգտագործված) զուտ դրամական միջոցների հոսքեր	1660544	1660544
Դրամական միջոցների հոսքեր Ներդրումային գործունեությունից		
Հիմնական միջոցների ձեռք բերում	(6557)	(15733)
Ելքեր ներդրումային այլ գործունեությունից	-	-
Ներդրումային գործունեությունից ստացված/(օգտագործված) զուտ դրամական միջոցների հոսքեր	(6557)	(15733)
Դրամական միջոցների հոսքեր ֆինանսավորման գործունեությունից		
Ստացված վարկերից և փոխառություններից	1781714	2143404
Վճարված վարկեր, փոխառություններ, շահաբաժիններ	(3778419)	(3801170)
Ստացված տոկոսներից	0	14525
Ֆինանսավորման գործունեությամբ (օգտագործված)/ստացված զուտ դրամական միջոցներ	(1996705)	(1643241)
Դրամական միջոցների և դրանց համարժեքների զուտ (նվազում)/աճ	645264	1570
Դրամական միջոցները և դրանց համարժեքները առ 1-ը հունվարի	420800	399100
Արտարժույթի փոխարժեքի փոփոխման ազդեցությունը դրամական միջոցների և դրանց համարժեքների վրա	(30792)	20130
Դրամական միջոցները և դրանց համարժեքները առ դեկտեմբերի	1035272	420800

«ՎԱԳԱ-ՖԱՐՄ» ՍՊԸ

ՏՆՕՐԵՆ՝

ԳԼԽԱՎՈՐ ՀԱՇՎԱԴԱՆ

Ստորագրություններ
 Ա. Գրիգորյան
 Ա. Միքայելյան

ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐԻՆ ԿԻՑ ԾԱՆՈԹԱԳՐՈՒԹՅՈՒՆՆԵՐ

1. ՏԵՂԵԿՈՒԹՅՈՒՆՆԵՐ ԸՆԿԵՐՈՒԹՅԱՆ ՄԱՍԻՆ

ա/ Ընկերության նկարագիրը

«ՎԱԳԱ ՖԱՐՄ» սահմանափակ պատասխանատվությամբ ընկերությունը համարվում է շահույթ ստանալու նպատակով հիմնադրված առևտրային կազմակերպություն հանդիսացող իրավաբանական անձ,որի կանոնադրական կապիտալը բաժանված է իր կանոնադրությամբ սահմանված չափերով բաժնեմասերի:

Ընկերությունը գրանցվել է ՀՀ ԱՆ Աշխատակազմի իրավաբանական անձանց պետական ռեգիստրի Երևանի Մյասնիկյանի տարածքային բաժնի կողմից 2000թ. հունիսի 5-ին: Գրանցման համարն է 273.110.02790 վկայականի համարն է՝ 02Ա 048011, ՀՎՀՀ՝ 01536316:

Ընկերությունը իր գործունեության ընթացքում ղեկավարում է Հայաստանի Հանրապետության քաղաքացիական օրենսգրքով (այսուհետ՝ Օրենսգիրք), 'Սահմանափակ պատասխանատվությամբ ընկերությունների մասին' ՀՀ օրենքով (այսուհետ Օրենք),իրավական այլ ակտերով և իր կանոնադրությամբ:

Ընկերության մասնակիցներն են՝

- Արտաշես Գրիգորյանը,
- Վահե Վարսանյանը:

Կանոնադրական կապիտալում մասնակիցներն ունեն հետևյալ բաժնեմասերը՝

Մասնակցի անուն,ազգանուն բաժնեմասի չափը բաժնեմասի քանակը

1. Արտաշես Գրիգորյան՝ 50% 25,
2. Վահե Վարսանյան՝ 50% 25:

Ընկերության իրավաբանական հասցեն է՝ք.Երևան, Ֆիզկուլտուրնիկների փողոց, 8 տուն:

2021թ. դեկտեմբերի 31-ի դրությամբ Ընկերության աշխատողների թվաքանակը եղել է 120 աշխատող, 2020թ. դեկտեմբերի 31-ի դրությամբ՝225 աշխատող:

բ/ Ընկերության գործունեության առարկան և նպատակը

Ընկերության գործունեության հիմնական տեսակներն են՝

- դեղորայքի մեծածախ և մանրածախ առևտուր ՝լիցենզիայի առկայության դեպքում,
- ընդհանուր շինարարություն՝ լիցենզիայի առկայության դեպքում,
- Դեղագործական պատրաստուկների արտադրություն՝ լիցենզիայի առկայության դեպքում,
- պարենային և ոչ պարենային ապրանքների առևտուր,
- առևտրամիջնորդական գործունեություն (ոչ բորսային):

2. ՖՀՄՍ-ՆԵՐԻՆ ՀԱՄԱՊԱՏԱՍԽԱՆՈՒԹՅՈՒՆԸ

Ֆինանսական հաշվետվությունները պատրաստվել են Ֆինանսական Հաշվետվությունների Միջազգային Ստանդարտներին (ՖՀՄՍ) համապատասխան:

3. ՖՈՒԿՑԻՈՆԱԼ և ՆԵՐԿԱՅԱՑՄԱՆ ԱՐԺՈՒՅԹԸ

ՀՀ արժույթը ՀՀ դրամն է, որը Ընկերության ֆունկցիոնալ և ներկայացման արժույթն է: Ֆինանսական տեղեկատվությունը ցույց է տրված հազար դրամներով՝ առանց ստորակետից հետո տասնորդական նիշի:

4. ՀԱՇՎԱՊԱՀԱԿԱՆ ՀԱՇՎԱՌՄԱՆ ՔԱՂԱՔԱԿԱՆՈՒԹՅԱՆ ՆՇԱՆԱԿԱԼԻ ՄԱՍԵՐԻ ՀԱՄԱՌՈՏ ՆԿԱՐԱԳԻՐԸ

4.1. Չափման հիմունքները

Ֆինանսական հաշվետվությունները պատրաստվել են սկզբնական արժեքի հիմունքով: Սովորաբար սկզբնական արժեքը հիմնված է ակտիվի դիմաց տրված հատուցման իրական արժեքի վրա:

4.2. Ֆինանսական հաշվետվությունների կազմը

Ֆինանսական հաշվետվություններում ներառված են՝

ա) ֆինանսական վիճակի մասին հաշվետվություն՝ ժամանակաշրջանի վերջի դրությամբ: Ընթացիկ և ոչ ընթացիկ ակտիվներն ու պարտավորությունները ներկայացվում են առանձին դասակարգմամբ.

բ) շահույթի կամ վնասի և այլ համապարփակ ֆինանսական արդյունքների մասին մեկ հաշվետվություն՝ տվյալ ժամանակաշրջանի համար: Ընկերությունը ներկայացնում է շահույթում կամ վնասում ճանաչված ծախսերի բաժանումը(վերլուծումը)՝ օգտագործելով դրանց գործառույթի վրա հիմնված դասակարգումը.

գ) սեփական կապիտալում փոփոխությունների մասին հաշվետվություն՝ տվյալ ժամանակաշրջանի համար.

դ) դրամական միջոցների հոսքերի մասին հաշվետվություն՝ տվյալ ժամանակաշրջանի համար: Գործառնական գործունեությունից առաջացող դրամական միջոցների հոսքերի մասին տեղեկատվությունը ներկայացվում է՝ օգտագործելով ուղղակի մեթոդը: Վճարված տոկոսները դասակարգվում են որպես ֆինանսավորման, ստացված տոկոսներն ու շահաբաժինները՝ որպես ներդրումային գործունեությունից առաջացող դրամական միջոցների հոսքեր: Վճարված հարկերը դասակարգվում են որպես գործառնական գործունեությունից առաջացող դրամական միջոցների հոսքեր:

ե) ծանոթագրություններ, որոնք բաղկացած են հաշվապահական հաշվառման քաղաքականության նշանակալի մասերի համառոտ նկարագրից և այլ բացատրական տեղեկատվությունից. Ֆինանսական հաշվետվություններում բացահայտվում է ընթացիկ ժամանակաշրջանի ֆինանսական հաշվետվություններում ներկայացված բոլոր գումարների՝ նախորդ ժամանակաշրջանի(նախորդ տարի) համադրելի տեղեկատվությունը: Երբ Ընկերությունն իր ֆինանսական հաշվետվություններում փոփոխում է հոդվածների ներկայացումը կամ դասակարգումը, ապա վերադասակարգում է համադրելի գումարները, բացի այն դեպքերից, երբ վերադասակարգումն անիրագործելի է:

4.3. Հիմնական միջոցներ

Հիմնական միջոցի յուրաքանչյուր (հիմնական) բաղկացուցիչ (առանձնացնելի միավոր), որի սկզբնական արժեքը հիմնական միջոցի ամբողջ արժեքում էական է, կամ ունի տնտեսական օգուտների սպառման նշանակալիորեն տարբեր մոդել, կամ ունի նշանակալիորեն տարբեր օգտակար ծառայություն, հաշվառվում է որպես առանձին միավոր: Ընկերության հիմնական միջոցի միավորի սկզբնավորման արժեքը բաշխում է ըստ դրա հիմնական բաղադրիչների: Հիմնական միջոցի միավորի հիմնական բաղադրիչները առանձնացնելուց

հետո հիմնական միջոցի միավորի մնացած մասը ևս հաշվառվում է որպես հիմնական միջոցի միավորի հիմնական բաղադրիչ (հիմնական միջոցի միավորի մնացորդային հիմնական բաղադրիչ): Որպես հիմնական միջոցի միավորի հիմնական բաղադրիչ առանձին հաշվառվում է նաև հիմնական միջոցի միավորի անսարքությունների առկայության վերաբերյալ կանոնավոր լայնածավալ ստուգումների իրականացման ծախսումները (արժեքը), ինչպես նաև հիմնական միջոցի միավորի կանոնավոր լայնածավալ կապիտալ վերանորոգումների ծախսումները (արժեքը): Հիմնական միջոցի միավորի հիմնական բաղադրիչները հիմնական միջոցի միավորի կազմում հաշվառվում են առանձին:

Չափումը ճանաչման պահին

Հիմնական միջոցի միավորը, որը կարող է ճանաչվել որպես ակտիվ, պետք է չափվի իր սկզբնական արժեքով, որը ճանաչման ամսաթվի դրությամբ անհապաղ վճարման գնի համարժեքն է:

Չափումը ճանաչումից հետո

Հիմնական միջոցի միավորը՝ որպես ակտիվ ճանաչելուց հետո, հաշվառվում է իր սկզբնական արժեքով (ինքնարժեքով)՝ հանած կուտակված մաշվածությունը և արժեզրկումից կուտակված կորուստները:

Մաշվածություն

Հիմնական միջոցների բոլոր դասերի նկատմամբ կիրառվում է մաշվածության հաշվարկման գծային մեթոդը: Հիմնական միջոցների օգտակար ծառայությունը որոշելիս հաշվի են առնվում հետևյալ գործոնները.

- ա) Ընկերության կողմից ակտիվի ենթադրվող օգտագործելիությունը,
- բ) ակնկալվող ֆիզիկական մաշվածությունը,
- գ) տեխնիկական հնացածությունը,
- դ) հիմնական միջոցի օգտագործման իրավական կամ նման այլ սահմանափակումներ: Ընկերությունը հիմնական միջոցների խմբերի նկատմամբ կիրառում է հետևյալ օգտակար ծառայությունները.

Դասի անվանում	Օգտ . ծառայություն
- շենք, շինություններ	240 ամիս
- Հաշվողական և համակարգչային տեխնիկա	12 ամիս
- Այլ հիմնական միջոցներ	96 ամիս

Մինչև 50 հազար դրամ արժողությամբ հիմնական միջոցների օգտակար ծառայությունը սահմանվում է 1 տարի:

Ակտիվի մաշվածությունը սկսում է հաշվարկվել, երբ այն մատչելի է օգտագործման համար, այսինքն՝ երբ այն գտնվում է այնպիսի վայրում և վիճակում, որն անհրաժեշտ է՝ ղեկավարության նախանշած նպատակով այն օգտագործելու համար: Ակտիվի մաշվածության հաշվարկումը դադարում է ակտիվի՝ ՖՀՄՍ 5-ի համաձայն որպես վաճառքի համար պահվող դասակարգվելու (կամ որպես վաճառքի համար պահվող դասակարգված օտարման խմբում ներառվելու) և ակտիվն ապաճանաչելու ամսաթվերից ամենավաղով: Հիմնական միջոցի մաշվածության գումարը իր օգտակար ծառայության ընթացքում պարբերաբար բաշխելու համար կիրառվում է մաշվածության հաշվարկման գծային մեթոդը:

Ապաճանաչում

Հիմնական միջոցի միավորի հաշվեկշռային արժեքը պետք է ապաճանաչվի, երբ՝

ա) այն օտարվում է, կամ

բ) ապագա ոչ մի տնտեսական օգուտ չի ակնկալվում դրա օգտագործումից կամ օտարումից:

Ընկերությունը շահութահարկի հաշվարկի համար հարկման բազայի որոշման նպատակով համախառն եկամտից նվազեցնում է ամորտիզացիայի ենթակա, սեփականության իրավունքով իրեն պատկանող կամ ֆինանսական վարձակալությամբ (լիզինգով) ստացված հիմնական միջոցների և ոչ նյութական ակտիվների ամորտիզացիոն մասհանումների գծով ծախսերը:

Ընդ որում հիմնական միջոցների և ոչ նյութական ակտիվների յուրաքանչյուր միավորի գծով ամորտիզացիոն մասհանման գումարը հաշվարկվում է հարկային տարվա կտրվածքով՝ որպես տվյալ հիմնական միջոցի և ոչ նյութական ակտիվի սկզբնական արժեքի և ՀՀ Հարկային Օրենսգրքի 121 հոդվածի 3-5-րդ կետերով հիմնական միջոցների առանձին խմբերի և ոչ նյութական ակտիվների համար սահմանված՝ ամորտիզացիոն ժամկետների հարաբերություն.

2021թ. Ընկերության կողմից հիմնական միջոցների առանձին խմբերի համար կիրառվել են ՀՀ Հարկային Օրենսգրքի 121 հոդվածի 3-րդ կետով սահմանված ամորտիզացիոն նվազագույն ժամկետները:

Ոչ ընթացիկ ակտիվի դուրս գրումից կամ իրացումից առաջացած արդյունքը ֆինանսական արդյունքների մասին հաշվետվությունում ճանաչվում է որպես եկամուտ կամ ծախս:

4.4. Ոչ նյութական ակտիվներ

Ընկերության կողմից ձեռք բերված ոչ նյութական ակտիվները, որոնք ունեն օգտակար ծառայության սահմանափակ ժամկետ, չափվում են սկզբնական արժեքով՝ հանած կուտակված ամորտիզացիան և կուտակված արժեզրկումից կորուստները:

Հետագա ծախսումները կապիտալացվում են միայն այն դեպքում, երբ ավելացնում են այն առանձին ակտիվի հետ կապված ապագա տնտեսական օգուտները, որին վերաբերում են:

Ամորտիզացիան ճանաչվում է շահույթում կամ վնասում՝ կիրառելով գծային մեթոդը ոչ նյութական ակտիվի օգտակար ծառայության գնահատված ժամկետի ընթացքում սկսած այն պահից, երբ դրանք դառնում են մատչելի օգտագործման համար, քանի որ այս մեթոդն առավել ճիշտ է արտացոլում ակտիվի հետ կապված ապագա տնտեսական օգուտների օգտագործման մոդելը: Հարկման և հաշվապահական նպատակներով ոչ նյութական ակտիվների ամորտիզացիոն ժամկետները կամ տոկոսադրույքները՝

- հաշվապահական ծրագիր՝ 36 ամիս:

Ամորտիզացիայի հաշվարկի մեթոդները, օգտակար ծառայության ժամկետները և մնացորդային արժեքները վերանայվում են յուրաքանչյուր ֆինանսական տարվա վերջում և անհրաժեշտության դեպքում՝ ճշգրտվում:

4.5. Պաշարներ

Սկզբնական չափում

Սկզբնական ճանաչման պահին պաշարները չափվում են սկզբնական արժեքով (ինքնարժեքով): Պաշարների ինքնարժեքը ներառում է ձեռք բերման ծախսումները, արտադրանքի վերամշակման բոլոր ծախսումները և պաշարները ներկա գտնվելու վայր և վիճակի բերելու հետ կապված բոլոր այլ ծախսումները: Պաշարների ձեռքբերման ծախսումները ներառում են ձեռքբերման գինը, ներկրման տուրքերը և հարկերը (բացառությամբ նրանց, որոնք հարկային մարմինների կողմից ենթակա են Ընկերությանը ետ վերադարձման), ինչպես նաև տրանսպորտային, բեռնման-բեռնաթափման և այլ ծախսումները, որոնք ուղղակիորեն կապված են

ապրանքների, նյութերի և ծառայությունների ձեռքբերման հետ: Ձեռքբերման ծախսումները որոշելիս առևտրային զեղչերը, գների իջեցումները և նմանատիպ այլ ճշգրտումները հանվում են: Պաշարների վերամշակման ծախսումները ներառում են արտադրանքի վերամշակման հետ ուղղակիորեն կապված ծախսումները, ինչպիսիք են աշխատուժի գծով ուղղակի ծախսումները: Այն ներառում է նաև պատրաստի արտադրանքի վրա պարբերաբար բաշխվող հաստատուն և փոփոխուն արտադրական վերադիր ծախսումները, որոնք կատարվում են նյութերը պատրաստի արտադրանք դարձնելու (վերամշակելու) ընթացքում: Պաշարների ինքնարժեքի մեջ այլ ծախսումները ներառվում են միայն այն չափով, որ չափով դրանք կատարվել են՝ պաշարները ներկա գտնվելու վայր և պատշաճ վիճակի բերելու համար: Պաշարների ինքնարժեքի մեջ չներառվող և դրանց կատարման ժամանակաշրջանում ծախս ճանաչվող ծախսումների օրինակներ են՝

ա) գերնորմատիվային ծախսումները՝ կապված նյութերի, աշխատուժի և արտադրական այլ ծախսումների գերաճախսի հետ.

բ) պահպանման ծախսումները, բացառությամբ եթե դրանք անհրաժեշտ են արտադրության գործընթացում՝ նախքան հաջորդ արտադրական փուլին անցնելը.

գ) վարչական վերադիր ծախսումները, որոնք կապված չեն պաշարները ներկա գտնվելու վայր հասցնելու կամ պատշաճ վիճակի բերելու հետ.

դ) վաճառքի ծախսումները:

Երբ պաշարները ձեռք են բերվում հետաձգված մարման ժամկետով, ապա վճարման նորմալ պայմաններում ձեռքբերման գնի և վճարված գումարի տարբերությունը, ճանաչվում է որպես տոկոսային ծախս ֆինանսավորման ամբողջ ժամանակաշրջանի ընթացքում:

Ինքնարժեքի բանաձևեր

Փոխադարձ փոխարկելի չհանդիսացող պաշարների, ինչպես նաև հատուկ նախագծերի համար նախատեսված ու արտադրված ապրանքների կամ ծառայությունների միավորի ինքնարժեքը հաշվարկվում է կոնկրետ արտադրանքի ինքնարժեքի որոշման ճանապարհով: Փոխադարձ փոխարկելի հանդիսացող պաշարների ինքնարժեքը որոշվում է ԱՄԱԵ (առաջին մուտք առաջին ելք) արժեքով: Հետագա չափում Պաշարները չափվում են ինքնարժեքից և իրացման զուտ արժեքից նվազագույնով: Պաշարների ինքնարժեքը իջեցվում է մինչև իրացման զուտ արժեքի մակարդակ՝ ըստ տեսակների հաշվեկշռի ամսաթվի դրությամբ: Պաշարների ինքնարժեքի ցանկացած իջեցման գումար՝ մինչև իրացման զուտ արժեք, և պաշարների բոլոր կորուստները ճանաչվում են որպես ծախս այն ժամանակաշրջանում, երբ կատարվել է ինքնարժեքի իջեցումը կամ առաջացել է կորուստը: Ոչ իրացվելի պաշարները դուրս են գրվում իրենց հաշվեկշռային արժեքով: Ոչ իրացվելի են այն պաշարները, որոնք չեն իրացվել կամ օգտագործվել հաշվեկշռում հաշվառելուց 12 ամսվա ընթացքում և որոնք հավանական է, որ որևէ այլ ձևով չեն օգտագործվի՝ կապված դրանց բարոյական հնացման, որակի վատացման և այլ պատճառներով:

4.6. Ֆինանսական ակտիվներ

Ֆինանսական ակտիվների սկզբնական ճանաչում

«Իրական արժեքով՝ շահույթի կամ վնասի միջոցով չափվող» ֆինանսական ակտիվները սկզբնապես գրանցվում են իրական արժեքով: Այլ բոլոր ֆինանսական ակտիվները սկզբնապես գրանցվում են իրական արժեքով՝ հաշվի առած գործարքի հետ կապված ծախսումները: Սկզբնական ճանաչման ժամանակ իրական արժեքը լավագույնս ներկայացվում է գործարքի գնով: Սկզբնական ճանաչման ժամանակ շահույթը կամ վնասը գրանցվում է միայն այն ժամանակ, երբ կա իրական արժեքի և գործարքի գնի միջև տարբերություն,

որը կարող է բացահայտվել միևնույն գործիքում դիտարկելի շուկայական այլ գործարքներով կամ գնահատման մեթոդով, որի մուտքային տվյալները ներառում են միայն դիտարկելի շուկայական տվյալները:

Ֆինանսական ակտիվների դասակարգում և հետագա չափում.

Չափման կատեգորիաներ

Ընկերությունը դասակարգում է ֆինանսական ակտիվները՝ օգտագործելով հետևյալ չափման կատեգորիաները.

- չափվում են իրական արժեքով՝ շահույթի կամ վնասի միջոցով,
- չափվում են իրական արժեքով՝ այլ համապարփակ եկամուտի միջոցով և չափվում են ամորտիզացված արժեքով:

Առևտրական դեբիտորական պարտքեր

Դեբիտորական պարտքերը չափվում են սկզբնական արժեքով (սկզբնական հաշվում նշված գումարով), բացառությամբ այն դեպքերի, երբ զեղչման ազդեցությունը զգալի է: Այս դեպքում դեբիտորական պարտքը չափվում է զեղչված արժեքով:

Տրված փոխառություններ

Սկզբնական ճանաչման պահին անտոկոս և ցածր տոկոսադրույքով տրված ժամկետային փոխառության զեղչումից (իրական արժեքով չափումից) առաջացած զուտ արդյունքը (վնասը) ճանաչվում է

- սեփական կապիտալում, եթե ֆինանսական ակտիվը մասնակիցների ու նրանց կողմից վերահսկվող կազմակերպությունների գծով է, և
- շահույթում կամ վնասում, եթե ֆինանսական ակտիվը այլ կողմերի գծով է:

Դրամական միջոցներ և դրանց համարժեքներ

Դրամական միջոցները դրամարկղում դրամական միջոցներն են և ցպահանջ ավանդները: Դրամական միջոցների համարժեքները պահվում են կարճաժամկետ դրամական պարտավորությունները բավարարելու նպատակով, այլ ոչ թե ներդրման կամ այլ նպատակներով: Որպեսզի ներդրումները որակվեն որպես դրամական միջոցների համարժեքներ, դրանք պետք է լինեն ազատ փոխարկելի՝ նախապես հայտնի դրամական գումարներով, և դրանց արժեքի փոփոխման ռիսկը պետք է լինի ոչ նշանակալի: Հետևաբար, ներդրումները սովորաբար դասվում են դրամական միջոցների համարժեքների շարքին միայն այն դեպքում, եթե դրանք ունեն մարման կարճ ժամկետ, օրինակ՝ ձեռքբերման օրվանից երեք ամիս, կամ ավելի քիչ: Բանկային օվերդրաֆտները, որոնք ենթակա են ցպահանջ մարման, կազմում են Ընկերության դրամական միջոցների կառավարման բաղկացուցիչ մասը և, որպես բաղադրիչ, դրամական միջոցների հոսքերի մասին հաշվետվությունում ներառվում են դրամական միջոցներում և դրամական միջոցների համարժեքներում, իսկ ֆինանսական վիճակի մասին հաշվետվությունում՝ պարտավորություններում:

4.7. Ֆինանսական պարտավորություններ

Ճանաչում

Ընկերությունը ֆինանսական պարտավորությունը ճանաչում է, երբ նա դառնում է գործիքի պայմանագրային կողմ:

Ապահանջում

Ընկերությունը ֆինանսական պարտավորությունը (կամ ֆինանսական պարտավորության մի մասը) ապահանջում է, երբ այն մարվում է, այսինքն՝ երբ պայմանագրում նշված պարտականությունը կատարվում է կամ չեղյալ է համարվում կամ ուժը կորցնում է: Ապահանջված ֆինանսական պարտավորության հաշվեկշռային արժեքի և վճարված կամ վճարվելիք հատուցման միջև տարբերությունը ճանաչվում է շահույթում կամ վնասում: Գոյություն ունեցող փոխառուի և փոխատուի միջև նշանակալիորեն տարբերվող պայմաններով պարտքային գործիքների փոխանակությունը հաշվառվում է որպես սկզբնական ֆինանսական պարտավորության մարում և նոր ֆինանսական պարտավորության ճանաչում: Նմանապես, գոյություն ունեցող ֆինանսական պարտավորության կամ դրա մի մասի պայմանների նշանակալի վերափոխումը (անկախ այն բանից, արդյոք այն վերագրելի է փոխառուի ֆինանսական դժվարություններին) հաշվառվում է որպես սկզբնական ֆինանսական պարտավորության մարում և նոր ֆինանսական պարտավորության ճանաչում: Ֆինանսական պարտավորությունների չափման խմբեր

Ֆինանսական պարտավորությունները դասակարգվում են որպես հետագայում ամորտիզացված արժեքով չափվող, բացառությամբ՝

- (i) իրական արժեքով՝ շահույթի կամ վնասի միջոցով չափվող ֆինանսական պարտավորությունների, և
- (ii) ֆինանսական երաշխիքային պայմանագրերի և վարկերի տրամադրման պարտավորությունների: Առևտրական կրեդիտորական պարտքեր
- (iii) Սկզբնական ճանաչման պահին կրեդիտորական պարտքը չափվում է սկզբնական արժեքով (սկզբնական հաշվում նշված գումարով), բացառությամբ այն դեպքերի, երբ զեղչման ազդեցությունը զգալի է: Այս դեպքում կրեդիտորական պարտքը չափվում է զեղչված արժեքով:

Ստացված վարկեր և փոխառություններ

Ստացված վարկը և փոխառությունը սկզբնապես չափվում է իր իրական արժեքով՝ գումարած գործարքի հետ կապված այն ծախսումները, որոնք ուղղակիորեն վերագրելի են ֆինանսական պարտավորության ձեռքբերմանը: Սկզբնական չափումից հետո ստացված վարկերը և փոխառությունները չափվում են ամորտիզացված արժեքով՝ կիրառելով արդյունավետ տոկոսադրույքի մեթոդը:

4.8. Աշխատակիցների կարճաժամկետ հատուցումներ

Երբ աշխատակիցը հաշվետու ժամանակաշրջանի ընթացքում Ընկերությանը մատուցել է ծառայություն, Ընկերությունը, աշխատակիցների կարճաժամկետ հատուցումների չզեղչված գումարը, որոնք ակնկալվում է վճարել այդ ծառայության դիմաց, ճանաչում է՝

ա) որպես պարտավորություն՝ արդեն վճարված գումարները հանելուց հետո: Եթե արդեն վճարված գումարը գերազանցում է հատուցումների չզեղչված գումարը, Ընկերությունը ճանաչում է այդ տարբերությունը որպես ակտիվ՝ այն չափով, որով կանխավճարը կհանգեցնի, օրինակ, ապագա վճարումների կրճատման կամ դրամական միջոցների վերադարձի, և

բ) որպես ծախս, բացառությամբ այն դեպքերի, երբ ՖՀՄ-ներով պահանջվում կամ թույլատրվում է հատուցումների գումարը ներառել մեկ այլ ակտիվի արժեքի մեջ (օրինակ, պաշարների, հիմնական միջոցների դեպքում):

Ընկերությունը փոխհատուցելի բացակայությունների ձևով աշխատակիցների հատուցումների ակնկալվող ծախսումները ճանաչում է՝

ա) կուտակվող փոխհատուցելի բացակայությունների դեպքում (օրինակ՝ տարեկան արձակուրդը)՝ այն ժամանակ, երբ աշխատակիցները ծառայություն են մատուցում, որն ավելացնում է իրենց իրավունքները ապագա փոխհատուցելի բացակայությունների նկատմամբ, և

բ) չկուտակվող փոխհատուցելի բացակայությունների դեպքում (օրինակ՝ ժամանակավոր անաշխատունակությունը)՝ այն ժամանակ, երբ բացակայությունը տեղի է ունենում: Ընկերությունը կուտակվող փոխհատուցելի բացակայությունների գծով ակնկալվող ծախսումները չափում է որպես լրացուցիչ գումար, որը Ընկերությունը ակնկալում է վճարել որպես հաշվետու ժամանակաշրջանի վերջի դրությամբ կուտակված չօգտագործված իրավունքների արդյունք: Ընդ որում այդ հաշվարկներում ներառվում է նաև պարտադիր սոցիալական ապահովագրության վճարների մասը:

4.9. Գործառնական վարձակալություն

Գործառնական վարձակալության տրված (ստացված) ակտիվները ճանաչվում են վարձատուի հաշվեկշռում: Գործառնական վարձակալության գծով վարձավճարները վարձակալության ժամկետի ընթացքում ճանաչվում են որպես եկամուտ կամ ծախս (ծախսում) գծային հիմունքով, եթե մեկ այլ սխտեմատիկ հիմունք ավելի լավ չի ներկայացնում ակտիվի օգտագործումից օգուտների ստացման ժամանակային գրաֆիկը:

4.10. Հասույթ

Չափում

Հասույթը ճանաչվում է գործարքի գնով: Գործարքի գինը այն հատուցման չափն է, որը Ընկերությունն ակնկալում է ստանալ հաճախորդին խոստացված ապրանքների կամ ծառայությունների նկատմամբ վերահսկողություն փոխանցման դիմաց, բացառությամբ երրորդ անձանց անունից հավաքագրված գումարների: Ապրանքների վաճառք Ապրանքների վաճառքից ստացվող հասույթը ճանաչվում է, երբ բավարարված են հետևյալ բոլոր պայմանները՝

ա) Ընկերությունը գնորդին է փոխանցում ապրանքների սեփականության հետ կապված ռիսկեր և հատույցների նշանակալի մասը:

բ) Ընկերությունը չի պահպանում ո՛չ կառավարման շարունակական մասնակցություն, որը սովորաբար բխում է սեփականության իրավունքից, և ո՛չ էլ վաճառված ապրանքների նկատմամբ արդյունավետ վերահսկում:

գ) հնարավոր է արժանահավատորեն չափել հասույթի գումարը:

դ) հավանական է, որ գործարքի հետ կապված տնտեսական օգուտները կհոսեն Ընկերություն.

ե) գործարքի հետ կապված կատարված կամ կատարվելիք ծախսումները հնարավոր է արժանահավատորեն չափել: Սովորաբար սեփականության հետ կապված ռիսկերի և հատույցների փոխանցումը գնորդին համընկնում է սեփականության իրավունքի կամ տիրապետման իրավունքի փոխանցման հետ: Երբ ապրանքները վաճառվում են, դրանց հաշվեկշռային արժեքը պետք է ճանաչվի որպես ծախս այն ժամանակաշրջանում, երբ ճանաչվում է դրանց հետ կապված հասույթը: Ծառայությունների մատուցում երբ ծառայությունների մատուցման գործարքի արդյունքը հնարավոր է արժանահավատորեն գնահատել, գործարքից հասույթը ճանաչվում է՝ հաշվետու ժամանակաշրջանի վերջի դրությամբ գործարքի ավարտվածության աստիճանի հիման վրա: Գործարքի արդյունքը կարելի է արժանահավատորեն գնահատել, եթե բավարարվեն հետևյալ բոլոր պայմանները՝

ա) հնարավոր է արժանահավատորեն չափել հասույթի գումարը.

բ) հավանական է, որ գործարքի հետ կապված տնտեսական օգուտները կհոսեն դեպի Ընկերություն.

գ) հնարավոր է արժանահավատորեն չափել հաշվետու ժամանակաշրջանի վերջի դրությամբ գործարքի ավարտվածության աստիճանը.

դ) հնարավոր է արժանահավատորեն չափել գործարքի համար կատարված և գործարքն ավարտելու համար անհրաժեշտ ծախսումները: Գործարքի ավարտվածության աստիճանը որոշվում է ներքոթվարկյալ մեթոդներից որևէ մեկով (Ընկերությունը կիրառում է այն մեթոդը, որով հնարավոր է առավել արժանահավատորեն չափել մատուցված ծառայությունները):

ա) կատարված աշխատանքների ուսումնասիրություն.

բ) տվյալ ամսաթվի դրությամբ մատուցված ծառայությունների ծավալի և մատուցվելիք ծառայությունների ամբողջ ծավալի հարաբերակցություն, կամ՝

գ) տվյալ ամսաթվի դրությամբ կատարված ծախսումների և գործարքի գնահատված ընդհանուր ծախսումների ծավալի հարաբերակցությունը: Երբ ծառայությունների մատուցման գործարքի արդյունքը հնարավոր չէ արժանահավատորեն գնահատել, հասույթը ճանաչվում է միայն ճանաչված այն ծախսերի չափով, որոնք կփոխհատուցվեն:

Տոկոսներ

Տոկոսները ճանաչվում են, երբ՝

ա) հավանական է, որ գործարքի հետ կապված տնտեսական օգուտները կհոսեն դեպի Ընկերություն.

բ) հնարավոր է արժանահավատորեն չափել հասույթների գումարը: Տոկոսը ճանաչվում է՝ կիրառելով արդյունավետ տոկոսի մեթոդը:

4.11. Շնորհներ

Ճանաչում

Շնորհները ճանաչվում են, երբ կա հիմնավոր հավաստիացում, որ.

ա) Ընկերությունը բավարարելու է դրանց կցված պայմանները. և

բ) շնորհները ստացվելու են:

Ներկայացում

Շնորհները ֆինանսական վիճակի մասին հաշվետվությունում ներկայացվում են՝ որպես հետաձգված եկամուտ:

Հաշվառում

Շնորհները ճանաչվում են շահույթում կամ վնասում սխտեմատիկ հիմունքով այն ժամանակաշրջանների ընթացքում, երբ Ընկերությունը որպես ծախս է ճանաչում դրանց համապատասխան ծախսումները, որոնց փոխհատուցման համար նախատեսված են շնորհները: Շնորհը, որը ստացման ենթակա է դառնում՝ ի հատուցում արդեն կրած ծախսերի կամ վնասների, կամ որի նպատակն է Ընկերությանը տրամադրել անհետաձգելի ֆինանսական օգնություն՝ առանց դրա հետ կապված հետագա ծախսումների, ճանաչվում են շահույթում կամ վնասում այն հաշվետու ժամանակաշրջանում, երբ այն դառնում է ստացման ենթակա:

Վերադարձում

Շնորհը, որը դառնում է վերադարձման ենթակա, հաշվառվում է որպես հաշվապահական հաշվառման գնահատման փոփոխություն: Շնորհի վերադարձումը առաջին հերթին կատարվում է տվյալ շնորհի գծով չամորտիզացված հետաձգված կրեդիտային մնացորդի հաշվին: Այնքանով, որքանով վերադարձումը գերազանցում է այդպիսի հետաձգված կրեդիտային մնացորդը, կամ երբ հետաձգված կրեդիտային մնացորդ գոյություն չունի, վերադարձումը ճանաչվում է անմիջապես շահույթում կամ վնասում:

4.12. Արտարժույթի փոխանակման փոխարժեքի փոփոխությունների հետևանքներ

Ֆունկցիոնալ արժույթ

Ֆունկցիոնալ արժույթը որոշելիս Ընկերությունը հաշվի է առնում ստորև նշված գործոնները՝

ա) արժույթ՝

- որը հիմնականում ազդում է ապրանքների և ծառայությունների վաճառքի գների վրա (հաճախ այն արժույթը, որով իր ապրանքների և ծառայությունների վաճառքի գները սահմանվում և հաշվարկները կատարվում են). և
- այն երկրի արժույթը, որի մրցակցային գործոններն ու կանոններն են հիմնականում որոշում իր ապրանքների և ծառայությունների վաճառքի գները.

բ) արժույթ, որը հիմնականում ազդում է ապրանքների մատակարարման կամ ծառայությունների մատուցման համար անհրաժեշտ աշխատուժի, նյութական և այլ ծախսումների վրա (նշվածը հաճախ այն արժույթն է, որով նման ծախսումները սահմանվում և կատարվում են): Ընկերության ֆունկցիոնալ արժույթը ՀՀ դրամն է:

Սկզբնական ճանաչում

Արտարժույթով գործառնությունը սկզբնապես ճանաչման պահին հաշվառվում է ֆունկցիոնալ արժույթով՝ արտարժույթի գումարի նկատմամբ կիրառելով ֆունկցիոնալ արժույթի և արտարժույթի միջև գործառնության ամսաթվի դրությամբ սփոթ փոխանակման փոխարժեքը: Որպես սփոթ փոխանակման փոխարժեք ընդունվում է արժույթային շուկայում ձևավորված արտարժույթների միջինփոխարժեքը:

Հաջորդող հաշվետու ժամանակաշրջանների վերջի դրությամբ տեղեկատվության ներկայացում Յուրաքանչյուր հաշվետու ժամանակաշրջանի վերջին՝

ա) արտարժույթով դրամային հոդվածները վերահաշվարկվում են՝ կիրառելով փակման փոխարժեքը.

բ) սկզբնական արժեքով չափվող արտարժույթով ոչ դրամային հոդվածները վերահաշվարկվում (ներկայացվում) են գործառնության ամսաթվի փոխանակման փոխարժեքով և

գ) իրական արժեքով արժեքի որոշման օրվա փոխանակման փոխարժեքով:

Փոխարժեքային տարբերությունների ճանաչումը

Համաձայն ՀՀ Հարկային Օրենսգրքի 108 հոդվածի 7-րդ կետի Շահութահարկով հարկման բազայի որոշման նպատակով Ընկերության համար եկամուտ չի համարվում՝ ակտիվների, այդ թվում՝ արտարժույթի, արտարժույթով արտահայտված այլ ակտիվների, ինչպես նաև բանկային ոսկով և այլ թանկարժեք մետաղներով արտահայտված ակտիվների վերագնահատման դրական արդյունքը:

Համաձայն ՀՀ Հարկային Օրենսգրքի 112 հոդվածի 7-րդ կետի Շահութահարկով հարկման բազայի որոշման նպատակով Ընկերության համար ծախս չի համարվում՝ ակտիվների, այդ թվում՝ արտարժույթի, արտարժույթով արտահայտված այլ ակտիվների, ինչպես նաև բանկային ոսկով և այլ թանկարժեք մետաղներով արտահայտված ակտիվների վերագնահատման բացասական արդյունքը:

2021թ. ընթացքում Ընկերության կողմից ֆինանսական հաշվետվությունների պատրաստման նպատակով օգտագործվել են հետևյալ փոխարժեքները՝

ՀՀ դրամով	Միջին դրույք	
	2021թ.	2020թ.
1 ԱՄՆ դոլար	503,81	491,24
1 Եվրո	596,65	564,57
1 Ռուսական ռուբլի	6,84	6,64

4.13. Շահութահարկ**Ընթացիկ հարկ**

Ընթացիկ և նախորդ ժամանակաշրջանների համար ընթացիկ հարկային պարտավորությունները (ակտիվները) չափվում են այն գումարով, որն ակնկալվում է, որ կվճարվի բյուջե (կփոխհատուցվի բյուջեից)՝ կիրառելով հարկերի դրույքները (և հարկային հարաբերություններ կարգավորող նորմատիվ իրավական ակտերը), որոնք ուժի մեջ են եղել հաշվետու ժամանակաշրջանի վերջում:

Ընկերության շահույթ կամ վնասի, այլ համապարփակ ֆինանսական արդյունքի և սեփական կապիտալի հոդվածները ներկայացնում է՝ հանելով համապատասխան հարկային հետևանքները: Հաշվանցում Ընկերությունը ընթացիկ հարկային ակտիվները և ընթացիկ հարկային պարտավորությունները հաշվանցում է այն և միայն այն դեպքում, եթե՝

ա) ունի ճանաչված գումարները հաշվանցելու իրավաբանորեն ամրագրված իրավունք, և՛

բ) մտադիր է՝ կամ հաշվարկն իրականացնել (ակտիվը կամ պարտավորությունը մարել) զուտ հիմունքով, կամ իրացնել ակտիվը և մարել պարտավորությունը միաժամանակ:

4.14. Սխալներ

Ընկերությունն ուղղում է նախորդող ժամանակաշրջանի էական սխալները հետընթաց (բացառությամբ երբ անիրագործելի է կոնկրետ ժամանակաշրջանի վրա սխալի հետևանքների կամ դրա կուտակային հետևանքների որոշումը) դրանց հայտնաբերումից հետո հրապարակման համար հաստատված առաջին ֆինանսական հաշվետվությունների փաթեթում՝

ա) վերահաշվարկելով ներկայացված այն նախորդող ժամանակաշրջանի (ժամանակաշրջանների) համեմատելի գումարները, որոնցում տեղի է ունեցել սխալը, կամ

բ) եթե սխալը տեղի է ունեցել նախքան մինչև ներկայացված ամենավաղ ժամանակաշրջանը, ապա ակտիվների, պարտավորությունների և սեփական կապիտալի սկզբնական մնացորդները վերահաշվարկելով ներկայացված նախորդող ամենավաղ ժամանակաշրջանի համար:

4.15. Հաշվապահական հաշվառման գնահատումներում փոփոխություններ

Հաշվապահական հաշվառման գնահատումներում փոփոխության հետևանքը, բացառությամբ ստորև շարադրվածի, ճանաչվում է առաջընթաց՝ արտացոլվելով շահույթի կամ վնասի մեջ՝

ա) փոփոխման ժամանակաշրջանում, եթե փոփոխությունն ազդում է միայն տվյալ ժամանակաշրջանի վրա, կամ

բ) փոփոխման ժամանակաշրջանում և հետագա ժամանակաշրջաններում, եթե փոփոխությունը երկուսի վրա էլ ազդում է: Այնքանով, որքանով հաշվապահական հաշվառման գնահատման փոփոխությունն առաջացնում է ակտիվների և պարտավորությունների փոփոխություն կամ առնչվում է սեփական կապիտալի որևէ հոդվածի հետ, այն ճանաչվում է համապատասխան ակտիվի, պարտավորության կամ սեփական կապիտալի հոդվածի հաշվեկշռային արժեքի ճշգրտման միջոցով՝ փոփոխության ժամանակաշրջանում: Այն դեպքերում, երբ դժվար է տարբերակել հաշվապահական հաշվառման քաղաքականության փոփոխությունը հաշվապահական հաշվառման գնահատման փոփոխությունից, այն դիտվում է որպես հաշվառման գնահատման փոփոխություն՝ համապատասխան բացահայտմամբ:

4.16. Հաշվապահական հաշվառման քաղաքականությունում փոփոխություններ

Ընկերությունը փոփոխում է հաշվապահական հաշվառման քաղաքականությունը միայն այն դեպքում, եթե այդ փոփոխությունը՝

ա) պահանջվում է որևէ ՖՀՄՍ-ով, կամ

բ) հանգեցնում է ֆինանսական հաշվետվություններում Ընկերության ֆինանսական վիճակի, ֆինանսական արդյունքների և դրամական միջոցների հոսքերի վրա գործառնությունների, այլ դեպքերի և իրադարձությունների ազդեցության վերաբերյալ առավել արժանահավատ և տեղին (ոելևանտ) տեղեկատվության ներկայացմանը: Եթե Ընկերությունը հաշվապահական հաշվառման նոր քաղաքականությունը կիրառում է հետընթաց, ապա հաշվապահական հաշվառման նոր քաղաքականությունը կիրառում է նախորդող ժամանակաշրջանների համադրելի տեղեկատվության նկատմամբ՝ հետ գնալով այնքան ժամանակաշրջան, որքան քաղաքականության հետընթաց կիրառումը իրագործելի է: Հետընթաց կիրառությունը նախորդող ժամանակաշրջանի նկատմամբ իրագործելի չէ, քանի դեռ հնարավոր չէ որոշել այդ ժամանակաշրջանի ֆինանսական վիճակի մասին հաշվետվության սկզբնական և վերջնական մնացորդների կուտակային հետևանքը: Ճշգրտման հանրագումարը, որը վերաբերում է ֆինանսական հաշվետվություններում ներկայացված ժամանակաշրջաններին նախորդող ժամանակաշրջաններին, վերագրվում է ամենավաղ ժամանակաշրջանում ներկայացված սեփական կապիտալի յուրաքանչյուր ազդեցություն կրած բաղադրիչի սկզբնական մնացորդին: Սովորաբար, ճշգրտումը վերագրվում է չբաշխված շահույթին: Այնուամենայնիվ, ճշգրտումը կարող է վերագրվել սեփական կապիտալի մեկ այլ բաղադրիչի (օրինակ՝ մեկ այլ ՖՀՄՍ-ի պահանջները բավարարելու նպատակով): Երբ Ընկերության համար անիրագործելի է հաշվապահական հաշվառման նոր քաղաքականությունը կիրառել հետընթաց՝ բոլոր նախորդող ժամանակաշրջանների նկատմամբ նոր քաղաքականության կիրառման կուտակային հետևանքը որոշելու անկարողության պատճառով, ապա Ընկերությունը նոր քաղաքականությունը կիրառում է առաջընթաց՝ հնարավոր ամենավաղ ժամանակաշրջանից սկսած: Այդ դեպքում Ընկերությունը հաշվի չի առնում ակտիվների, պարտավորությունների և սեփական կապիտալի՝ մինչ այդ ամսաթիվն առաջացող կուտակային ճշգրտման բաժինը: Հաշվապահական հաշվառման քաղաքականության փոփոխություն թույլատրվում է, եթե նույնիսկ

հնարավոր չէ այդ քաղաքականությունը առաջընթաց կիրառել ցանկացած նախորդող ժամանակաշրջանի համար:

4.17. Հաշվետու ժամանակաշրջանից հետո տեղի ունեցող դեպքեր

Ընկերությունը ճշգրտում է իր ֆինանսական հաշվետվություններում ճանաչված գումարները՝ հաշվետու ժամանակաշրջանից հետո տեղի ունեցած ճշգրտող դեպքերն արտացոլելու նպատակով: Հիմնադրամը չի ճշգրտում իր ֆինանսական հաշվետվություններում ճանաչված գումարները՝ հաշվետու ժամանակաշրջանից հետո տեղի ունեցած չճշգրտող դեպքերն արտացոլելու նպատակով:

5. ՀԱՍՈՒՅԹ

	2021թ.	2020թ.
Հազար դրամ		
Արտադրանքի ,ապրանքների վաճառքից հասույթ	22908996	20873782
Ընդամենը	22908996	20873782

6. ԻՐԱՑՄԱՆ ԻՆՔՆԱՐԺԵՔ

	2021թ.	2020թ.
Հազար դրամ		
Վաճառված արտադրանքի,ապրանքների ինքնարժեք	(19515413)	(18765729)
Ընդամենը	(19515413)	(18765729)

7. ԱՅԼ ԵՎԱՄՈՒՏ

	2021թ.	2020թ.
Հազար դրամ		
Այլ պաշարների վաճառքից եկամուտ	605	899
Գործառնական վարձակալությունից եկամուտ	7470	6903
Գործառնական այլ եկամուտներ	394883	986663
Ընդամենը	402958	994465

8. ԻՐԱՑՄԱՆ ԾԱԽՍԵՐ

	2021թ.	2020թ.
Հազար դրամ		
Ապրանքների փաթեթ,տարայի ծախսեր	(9308)	(6173)
Ապրանքների իրացման տրանսպորտային ծախսեր	(63195)	(75671)
Մարքեթինգի և գովազդի ծախսեր	(1037)	(948)
Իրացման այլ ծախսեր	(25279)	(30424)
Ընդամենը	(98819)	(113216)

9. ՎԱՐՉԱԿԱՆ ԾԱԽՍԵՐ

Հազար դրամ

	2021թ.	2020թ.
Աշխատավարձ և նրան հավասարեցված վճար	(423790)	(406263)
Հիմնական միջոցների մաշվածության ծախսեր	(48155)	(48447)
Գործուղման և ներկայացուցչական ծախսեր	(3310)	(3019)
Փոստի և հեռահաղորդակցության ծախսեր	(5865)	(6094)
Գրասենյակային և կոմունալ ծախսեր	(2512)	(3725)
Աուդիտորական և խորհրդատվական ծախսեր	(2883)	(1800)
Բանկային ծառայության և ապահովագրական ծախսեր	(7360)	(7659)
Չփոխհատուցվող հարկերի գծով ծախսեր	(39563)	(40064)
Այլ վարչական ծախսեր	(844)	(6910)
Ընդամենը`	(534282)	(523981)

10. ԳՈՐԾԱՌՆԱԿԱՆ ԱՅԼ ԾԱԽՍԵՐ

	2021թ.	2020թ.
Հազար դրամ		
Հետազոտման, մշակման ծախսեր	(10226)	(11789)
Ծախսեր տույժերից, տուգանքներից	(100)	(1901)
Այլ գործառնական ծախսեր	(108099)	(238791)
Ընդամենը`	(118425)	(252451)

11. ՖԻՆԱՆՍԱԿԱՆ ԵԿԱՄՈՒՏ, ԾԱԽՍԵՐ

	2021թ.	2020թ.
Հազար դրամ		
ֆինանսական եկամուտ, այդ թվում`	79031	582731
- արտաժողովի փոխարժեքային դրական տարբերությունից եկամուտ	64579	573880
- ֆինանսական ներդրումներից եկամուտ	14451	8851
Ֆինանսական ծախսեր, այդ թվում`	(294300)	(634162)
- արտաժողովի փոխարժեքային բացասական տարբերությունից ծախս	(162494)	(634016)
- վարկերի և փոխառությունների գծով ծախսեր	(131806)	(146)
Ջուտ ֆինանսական եկամուտ (ծախս)	(215269)	(51431)

12. ԱՅԼ ՈՋ ԳՈՐԾԱՌՆԱԿԱՆ ՇԱՀՈՒՅԹ(ՎՆԱՍ)

	2021թ.	2020թ.
Հազար դրամ	<u> </u>	<u> </u>
Այլ ոչ գործառնական ծախսեր	<u> 0 </u>	<u> (29761) </u>
Ընդամենը՝	<u> 0 </u>	<u> (29761) </u>

13. ԱՐՏԱՍՈՎՈՐ ԴԵՊԵՆԻՑ ՇԱՀՈՒՅԹ(ՎՆԱՍ)

	2021թ.	2020թ.
Հազար դրամ	<u> </u>	<u> </u>
Արտասովոր դեպքերից շահույթ (վնաս)	<u> (94211) </u>	<u> (29712) </u>
Ընդամենը	<u> (94211) </u>	<u> (29712) </u>

ԱՐԴՅՈՒՆԱԿԵՏ ՀԱՐԿԱՅԻՆ ԴՐՈՒՅՔԻ ՀԱՄԱԴՐՈՒՄ

	2021թ.		2020թ.	
	Հազար դրամ	%	Հազար դրամ	%
Շահույթ մինչև հարկումը	<u>2735535</u>	<u>100%</u>	<u>2104966</u>	<u>100%</u>
Շահութահարկի հաշվարկ կիրառելի հարկային դրույքով	<u>(492396)</u>	<u>18%</u>	<u>(378894)</u>	<u>18%</u>
Չնվազեցվող ծախսեր	<u>(17825)</u>	<u>0.65%</u>	<u>(137)</u>	<u>0,0%</u>
	<u>(510221)</u>	<u>18.65%</u>	<u>(379031)</u>	<u>18,0%</u>

14. ՀԻՄՆԱԿԱՆ ՄԻՋՈՑՆԵՐ

	Շենքեր, շինություններ	Մեքենա սարքավորումներ	Տրանսպորտային միջոցներ	Արտարժանատ եսականգույք	Այլ հիմնական միջոցներ	Ընդամենը
Ակզբնական արժեք						
Մնացորդը 31 դեկտեմբերի 2020 թ.	8200	38768	174736	73965	35914	331583
Մնացորդը 01 հունվարի 2021 թ.	8200	38768	174736	73965	35914	331583
Ավելացումներ		498	9526	14942	1559	26525
Ներքին տեղաշարժեր						
Օտարումներ						
Մնացորդը 31 դեկտեմբերի 2021 թ.	8200	39266	184262	88907	37473	358108
Մաշվածությունը						
Մնացորդը 31 դեկտեմբերի 2020 թ.	6697	35833	115631	24848	5700	188709
Մնացորդը 01 հունվարի 2021 թ..	6697	35833	115631	24848	5700	188709
Տարվա մաշվածությունը	410	963	7345	8754	5271	22743
Օտարումներ						
Մնացորդը 31 դեկտեմբերի 2021 թ.	7107	36796	122976	33602	10971	211452
Հաշվեկշռային արժեք						
Առ 31 դեկտեմբերի 2020 թ.	1503	2935	59105	49117	29784	142874
Առ 31 դեկտեմբերի 2021 թ.	1093	2470	61286	55305	26502	146656

15. ՊԱՇԱՐՆԵՐ

	<u>31.12.2021թ.</u>	<u>31.12.2020թ.</u>
Հազար դրամ		
Նյութեր	3496	2091
Վառելիք	1327	1265
Տարա, տարանյութեր	1683	806
Ապրանքներ	6387578	5011116
Ընդամենը	<u>6394084</u>	<u>5015278</u>

16. ԱՌԵՎՏՐԱՅԻՆ և ԱՅԼ ԴԵՔԻՏՈՐԱԿԱՆ ՊԱՐՏՔԵՐ

	<u>31.12.2021թ.</u>	<u>31.12.2020թ.</u>
Հազար դրամ		
Առևտրային դեբիտորական պարտքեր	3262742	3267074
Տրված ընթացիկ կանխավճարներ	607913	683891
Այլ դեբիտորական պարտքեր	132833	565
Ընդամենը	<u>4003488</u>	<u>3951530</u>

17. ԸՆԹԱՑԻԿ ԱՎՏԻՎՆԵՐ ՀԱՐԿԵՐԻ ԳԾՈՎ

	<u>31.12.2021թ.</u>	<u>31.12.2020թ.</u>
Հազար դրամ		
Կարճաժամկետ դեբիտորական պարտքեր ԱԱՀ-ի գծով	0	100807
Դեբիտորական պարտքեր շահույթահարկի գծով	38642	0
Դեբիտորական պարտքեր այլ հարկերի գծով	1143	1141
Ընդամենը	<u>39785</u>	<u>101948</u>

18. ԴՐԱՄԱԿԱՆ ՄԻՋՈՑՆԵՐ և ԴՐԱՆՑ ՀԱՄԱՐԺԵՔՆԵՐ

	<u>31.12.2021թ.</u>	<u>31.12.2020թ.</u>
Հազար դրամ		
Կանխիկը դրամարկղում	21540	76321
Դրամական միջոցներ հաշվարկային հաշիվներում	1013732	322779
Ընդամենը	<u>1035272</u>	<u>399100</u>

19. ԿԱՆՈՆԱԴՐԱԿԱՆ ԿԱՊԻՏԱԼ

	<u>31.12.2021թ.</u>	<u>31.12.2020թ.</u>
Հազար դրամ		
Կանոնադրական կապիտալ	50	50
Ընդամենը	<u>50</u>	<u>50</u>

20. ԶԲԱՇԽՎԱԾ ԵԱՀՈՒՑԹ

Հազար դրամ	31.12.2021թ.	31.12.2020թ.
Զբաղիված շահույթ (չծածկված վնաս)	9108551	6881852
Ընդամենը	<u>9108551</u>	<u>6881852</u>

Ըստ ընկերության ֆինանսական արդյունքների մասին հաշվետվության չբաղիված շահույթի մնացորդը 2021թ. հունվարի 1-ի դրությամբ կազմել է 6881852,0 հազար դրամ:

2021թ. գործունեության արդյունքներով Ընկերության զուտ շահույթը կազմել է 2225314 հազար դրամ:

2021թ. դեկտեմբերի 31-ի դրությամբ Ընկերության զուտ շահույթը կազմել է կազմել է 9108551,0 հազարդրամ:

21. ԵՐԿԱՐԱԺԱՄԿԵՏ ՓՈԽԱՌՈՒԹՅՈՒՆՆԵՐ

Հազար դրամ	31.12.2021թ.	31.12.2020թ.
Երկարաժամկետ փոխառություններ	1273021	1104529
Ընդամենը	<u>1273021</u>	<u>1104529</u>

2021թ. հունվարի 1-ի դրությամբ Ընկերության ֆինանսական վիճակի մասին հաշվետվության մեջ երկարաժամկետ ստացված փոխառությունների մնացորդը կազմել է 1104529,0 հազար դրամ, որից՝

- Արտաշես Գրիգորյանից ստացված փոխառության մասով 716690,0 հազար դրամ,
- Վահե Վարսանյանից ստացված փոխառության մասով 387839,0 հազար դրամ:

2021թ. Ընկերությունը Արտաշես Գրիգորյանից ստացել է 198538,0 հազար դրամ փոխառություն, տարվա ընթացքում Ա.Գրիգորյանին վերադարձրել է 145350,0 հազար դրամ փոխառություն:

2021թ. Ընկերությունը Վահե Վարսանյանից ստացել է 490307,0 հազար դրամ փոխառություն, տարվա ընթացքում վերադարձրել է 375004,0 հազար դրամ փոխառություն:

2021թ. դեկտեմբերի 31-ի դրությամբ Ընկերության ֆինանսական վիճակի մասին հաշվետվության մեջ երկարաժամկետ ստացված փոխառությունների մնացորդը կազմել է 1273021,0 հազար դրամ, որից՝

- Արտաշես Գրիգորյանից ստացված փոխառության մասով 769879,0 հազար դրամ,
- Վահե Վարսանյանից ստացված փոխառության մասով 503142,0 հազար դրամ:

22. ԱՌԱՏՐԱՅԻՆ և ԱՅԼ ԿՐԵԴԻՏՈՐԱԿԱՆ ՊԱՐՏԵՐ

Հազար դրամ	31.12. 2021թ.	31.12.2020թ.
Կարճաժամկետ բանկային վարկեր	158	8843
Առևտրային կրեդիտորական պարտքեր	858759	1271436
Ստացված ընթացիկ կանխավճարներ	111182	197638
Կարճաժամկետ պարտքեր աշատավաարձի գծով	1865	117
Այլ ընթացիկ պարտավորություններ	16144	0
Ընդամենը	<u>988108</u>	<u>1478034</u>

23. ԿԱՐՃԱԺԱՄԿԵՏ ԿՐԵԴԻՏՈՐԱԿԱՆ ՊԱՐՏՔԵՐ ԲՅՈՒՋԵԻՆ

Հազար դրամ	31.12. 2021թ.	31.12.2020թ.
Կրեդիտորական պարտքեր հարկերի գծով	247661	167342
Կարճաժամկետ կրեդիտորական պարտքեր սոցվճարների գծով	1944	624
Ընդամենը	249605	167966

24. ՖԻՆԱՆՍԱԿԱՆ ԳՈՐԾԻՔՆԵՐ և ՌԻՍԿԵՐԻ ԿԱՌԱՎԱՐՈՒՄ

(ա) Ամփոփ ներկայացում

Ֆինանսական գործիքներն օգտագործելիս Ընկերությունը ենթարկում է հետևյալ ռիսկերին.

- Պարտքային ռիսկ
- Իրացվելիության ռիսկ
- Շուկայական ռիսկ

Սույն ծանոթագրությունում ներկայացված է տեղեկատվություն վերը նշված յուրաքանչյուր ռիսկին Ընկերության ենթարկվածության մասին, ինչպես նաև ռիսկերի չափման և կառավարման հետ կապված Ընկերության նպատակները, քաղաքականությունը և գործընթացները: Սույն ֆինանսական հաշվետվություններում ներկայացված են վերը նշված ռիսկերին վերաբերող թվային բացահայտումներ:

Ռիսկերի կառավարման հիմունքներ

Ղեկավարությունը պատասխանատվություն է կրում Ընկերության ռիսկերի կառավարման համակարգի մշակման և վերահսկողության համար: Ղեկավարությունը կանոնավոր կերպով հաշվետվություններ է ներկայացնում Մասնակիցների ընդհանուր ժողովին, իր գործունեության վերաբերյալ:

Ընկերության ռիսկերի կառավարման քաղաքականության նպատակն է բացահայտել և վերլուծել այն ռիսկերը, որոնց ենթարկվում է Ընկերությունը, սահմանել ռիսկերի համապատասխան սահմանաչափեր և վերահսկման մեխանիզմներ, ինչպես նաև վերահսկել ռիսկերի մակարդակները և դրանց համապատասխանությունը որոշված սահմանաչափերին: Ռիսկերի կառավարման քաղաքականությունը և համակարգերը կանոնավոր կերպով վերանայվում են՝ շուկայական պայմանների ու Ընկերության գործունեության փոփոխություններն արտացոլելու նպատակով:

(ա) Պարտքային ռիսկ

Պարտքային ռիսկը ֆինանսական վնաս կրելու ռիսկն է, երբ ֆինանսական գործիքի պայմանագրային կողմն ի վիճակի չի լինում կատարել իր պայմանագրային պարտականությունները Ընկերության նկատմամբ: Ընկերությունը ցուցաբերում է առանձնահատուկ մոտեցում պայմանագրային յուրաքանչյուր կողմի նկատմամբ: Պարտքային ռիսկն առաջանում է հիմնականում գործընկերներից ստացվելիք դեբիտորական պարտքերի և կապակցված կողմերին տրված վարկերի գծով:

Ընկերությունը չի պահանջում գրավ ֆինանսական ակտիվների գծով: Վարկային գնահատումներ իրականացվում են որոշակի սահմանաչափը գերազանցող գումարներ պահանջող հաճախորդների համար՝ բացառությամբ կապակցված կողմերի:

	31.12.2021թ.	31.12.2020թ.
Հազար դրամ		
Առևտրային դեբիտորական պարտքեր	3169860	3267074
Տրված կանխավճարներ	604954	683891
Դրամական միջոցներ և դրանց համարժեքներ	1035272	420800
Ընդամենը	4810086	4371765

(բ) Իրացվելիության ռիսկ

Իրացվելիության ռիսկը ենթադրում է, որ Ընկերությունը կունենա դժվարություններ^ա իր ֆինանսական պարտավորությունների հետ կապված պարտականությունները կատարելիս, որոնց մարումը պահանջում է դրամական միջոցների կամ մեկ այլ ֆինանսական ակտիվի տրամադրում: Իրացվելիության ռիսկի կառավարման հարցում Ընկերության մոտեցումն է ապահովել բավարար իրացվելիություն^ա բնականոն և արտակարգ իրավիճակներում պարտավորությունները կատարելու համար^ա առանց անընդունելի կորուստներ կրելու կամ Ընկերության համբավը վտանգելու: Ընկերությունը ապահովում է ցպահանջ դրամական միջոցների այնպիսի չափի առկայություն, որը բավարար կլինի ակնկալվող գործառնական ծախսերը ծածկելու համար^ա ներառյալ ֆինանսական պարտականությունների սպասարկման ծախսերը: Այս պարագայում հաշվի չի առնվում առանձնահատուկ հանգամանքների հնարավոր ազդեցությունը, որոնք հնարավոր չէ կանխատեսել, օրինակ^ա բնական աղետները:

(գ) Շուկայական ռիսկ

Շուկայական ռիսկը Ընկերության եկամտի կամ նրա ֆինանսական գործիքների արժեքի փոփոխության ռիսկն է շուկայական գների, այդ թվում արտարժույթի փոխարժեքի դրույքների, տոկոսադրույքների և բաժնետոմսերի գների փոփոխության արդյունքում: Շուկայական ռիսկի կառավարման նպատակը ռիսկի այնպիսի կառավարումն ու վերահսկումն է, որը թույլ կտա պահպանել այս ռիսկին ենթարկվածության աստիճանն ընդունելի սահմաններում^ա միաժամանակ ապահովելով ռիսկի դիմաց եկամտաբերության օպտիմալացումը:

Կապիտալի կառավարում

Ընկերությունը չունի կապիտալի կառավարումը կարգավորող ձևակերպված քաղաքականություն, սակայն ղեկավարությունը ձգտում է ապահովել կապիտալի բավարար բազա՝ Ընկերության գործառնական և ռազմավարական պահանջները բավարարելու, ինչպես նաև շուկայում մասնակիցների վստահությունը պահպանելու համար:

Դա կարելի է իրագործել դրամական միջոցների արդյունավետ կառավարման, Ընկերության հասույթի և շահույթի շարունակական վերահսկման, հիմնականում Ընկերության գործառնական գործունեության դրամական միջոցների հոսքերով ֆինանսավորվող երկարաժամկետ ներդրումային ծրագրերի իրականացման միջոցով:

Հաշվետու ժամանակաշրջանի վերջի դրությամբ Ընկերության պարտքային և սեփական կապիտալի հարաբերակցությունը կազմում էր՝

Հազար դրամ	31.12. 2021թ.	31.12. 2020թ.
Ընդամենը պարտավորություններ	2414893	2750529
Հանած դրամական միջոցները և դրանց համարժեքները	1035272	420801
Զուտ պարտքը	1379621	2329728
Ընդամենը սեփական կապիտալ	9108551	6881602
Պարտքային և սեփական կապիտալի հարաբերակցությունը . դեկտեմբերի 31-ի դրությամբ	0.15	0,34

Գործարքներ փոխկապակցված կողմերի հետ

Համաձայն «Փոխկապակցված կողմերի բացահայտում» ՀՀՄՍ 24-ի կողմերը համարվում են փոխկապակցված, եթե մի կողմը հնարավորություն ունի վերահսկել մյուս կողմին կամ էական ազդեցություն ունենալ մյուս կողմի ֆինանսական և գործառնական որոշումների կայացման վրա: Սույն ֆինանսական հաշվետվությունների տեսանկյունից, փոխկապակցված կողմերը ներառում են Ընկերության ղեկավարության անդամներին և նրանց հետ փոխկապակցված անձանց, ինչպես նաև այլ անձանց և կազմակերպություններին, որոնք փոխկապակցված են կամ համապատասխանորեն վերահսկվում են նրանց կողմից:

Ընկերության կապակցված կողմերն են՝

1. Արտաշես Գրիգորյան 50% 25,
2. Վահե Վարսանյան 50% 25,

2021թ. Ընկերության մասնակիցների հետ կատարվել են հետևյալ գործարքները՝

ա) վարձավճարների գծով՝

- Արտաշես Գրիգորյանից վարձակալված տարածքների դիմաց վճարվել է 129752, 0 հազար դրամ,
- Վահե Վարսանյանին վարձակալված տարածքների դիմաց վճարվել է 49820,0 հազար դրամ,

բ) տրված և ստացված փոխառությունների գծով՝

- 2021թ. Ընկերության մասնակից Արտաշես Գրիգորյանը համաձայն փոխառության պայմանագրի տարեկան 12 տոկոս տոկոսադրույքով տրամադրել է 198538,0 հազար դրամ փոխառություն: Տարվա ընթացքում վերադարձվել է 145350,0 հազար դրամ փոխառության գումար և վճարվել է 81752,5 հազար դրամ փոխառության տոկոս:
- 2020թ. Ընկերության մասնակից Վահե Վարսանյանը համաձայն փոխառության պայմանագրի տարեկան 12 տոկոս տոկոսադրույքով տրամադրել է 490307,0 հազար դրամ փոխառություն: Տարվա ընթացքում վերադարձվել է 375004,0 հազար դրամ փոխառության գումար և վճարվել է 49820,5 հազար դրամ փոխառության տոկոս:

Հաշվետու տարվա ընթացքում Ընկերության ղեկավար անձնակազմին վճարվել է 7847,0 հազար դրամի աշխատավարձ:

25. ՊԱՅՄԱՆԱԿԱՆ ԴԵՊԶԵՐ

(ա) ԾՐՋԱԿԱ ՄԻՋԱՎԱՅՐԻ ՊԱՀՊԱՆՈՒԹՅԱՆ

Ընկերությունը բավարարում է ՀՀ կառավարության պահանջները կապված շրջակա միջավայրի հետ և չունի պարտավորություններ կապված շրջակա միջավայրի հետ:

(բ) ՎԵՐԱՀՍԿՈՂՈՒԹՅՈՒՆ

Ընկերությունն ամբողջությամբ վերահսկվում է Մասնակիցների Ժողովի կողմից:

(գ) ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐ

- Հարկային պարտավորությունները Հայաստանում

Հայաստանի հարկային համակարգը համեմատաբար նոր է և բնորոշվում է օրենսդրության, պաշտոնական պարզաբանումների և դատավճիռների հաճախակի փոփոխություններով, որոնք հաճախ հստակ չեն, հակասական են և պահանջում են մեկնաբանություններ տարբեր հարկային մարմինների կողմից: Հարկերը ենթակա են ստուգման և ուսումնասիրության մի շարք մարմինների կողմից, որոնք իրավասու են կիրառել տույժեր և տուգանքներ: Հարկային օրենսդրության խախտման դեպքում հարկային մարմիններն իրավասու չեն սահմանել հարկերի գծով լրացուցիչ պարտավորություններ, տույժեր կամ տուգանքներ, եթե խախտման ամսաթվից անցել է երեք տարի:

Այս փաստերը Հայաստանում կարող են այլ երկրների համեմատությամբ էական հարկային ռիսկ առաջացնել: Ղեկավարությունը գտնում է, որ համապատասխանորեն է գնահատել հարկային պարտավորությունները և կատարել է համապատասխան հատկացումներ հարկային պարտավորությունների գծով: Այնուամենայնիվ, համապատասխան իրավասու մարմինները կարող են ունենալ այլ մեկնաբանություններ, և հետևանքները կարող են էական լինել Ընկերության համար, եթե իրավասու մարմիններին հաջողվի գործադրել իրենց մեկնաբանությունները:


«ՎԱԳԱ-ՖԱՐՄ» ՍՊԸ

ՏՆՕՐԵՆ՝



Ա. ԳՐԻԳՈՐՅԱՆ

ԳԼԽԱՎՈՐ ՀԱՇՎԱՊԱՀ



Ա. ՄԻՔԱԵԼՅԱՆ

